

(кар)
К 88

Кар. 1348 - 1



КЪОБАМЛАНЫ АХМАТ

КЪОБАНЛАНЫ АХМАТ



**ЖЮРЕКДЕН
ДЖЮРЕКТЕ**

НАЗМУЛА

СТАВРОПОЛЬ
КИТАБ ИЗДАТЕЛЬСТВО
ЧЕРКЕССК—1965

ОКЪУУЧУМА

Элтиб сени арбазынга,
Такъмайма мен къой, эчки.
Салалмайма столунга
Алыб барыб не ички.

Узатама таза кёлден
Джюрегими ачхычын.
Не сюйсенг да эркинсе сен,
Ач да тинтчи хар затын.

Сени бла джолугъургъа
Термилсем да бек кёбден,
Чыгъаралмай мычыгъанма,
Назмуларымы кёбден.

Узатылгъан къолум болсун
Бу китабчыкъ ма сизге.
Мадар болса, бир къарарсыз,
Ичиндеги сёзлеге.

Сени дунягъа
Келген кюнюнгю
Билгендиле
Атанг,
Ананг,
Къарнашларынг,
Кетген кюнюнгю уа
Эшитиб сау дуня,
Текгендиле
Таб-таза кез джашларын.

Ма бюгюн да
Дун-дуняны инсанлары
Юсюнге басыныб
Соралла акъыл.
Мындан ары да
Минг-минг джылланы
Акъыл себгенлей
Турлукъду атынг.

АНЪ КЪАГЪЫТ

Тёрт мюйюшлю,
Чыммакъ бетли, акъ къагъыт!
Джатаса сен
Столумда кымылсыз.

Тынчайыргъа
Къоймай тартыб къобарыб,
Кечелени
Ишлетесе тынымсыз.

Кёрюсенг да
Кюзгю кибик тюз болуб,
Кёб тыйгъычла
Тыядыла аллымы.

Гитче сабий
Анасыны эмчегин
Эмген кибик,
Эмесе джюрек къанымы.

Сен тенгизсе,
Джюрегими сезимлерин,
Къайыкълача,
Тиземе мен юсюнге.

Бошуракъ кёрсенг,
Къайыкъланы ичлерин,
Суу джагъагъа
Быргъайса сен ёкюне.

Тайгъан кирик
Сыйдам оузда налсыз ат,
Таяд сенде
Къурч къаламым къолумда.

Бу балахдан
Къутулгъанлай, дагъыда
Темир таула
Сюелелле джолумда.

Бир абыныб,
Бир сюрюнюб мен алкъын
Актырынчыкъ
Джол къоратыб барама.

Ким биледи,
Ишни къалай боллугъун:
Не кетерме,
Не мийикден къарарма!

САЛКЪЫН ЭГМЕ КЁЛЮНГЮ

Къыйналма сен, анам, бошха,
Салкъын эгме кёлюнгю.
Джаным сауда унуталмам
Тууб ёсген элими.

Ким эсе да бош айтады
«Кетгенди» деб кьайтмаздан».
Кече кюн да тюз аллымда,
Сюелесиз таймаздан.

Анам, джашынг хауледи деб,
Айтханлагъа ийнанма,
Бош сёзлеге кьулакъ ийиб
Джюрегинги кьыйнама.

Хаулеликте заман джокъду,
Бар болса да, джюрюмем.
Намысымы сакъларыкъма
Кетгенликте кёзюнгден.

Мындан ары кбайгыты этме,
Мен унутмам джерими.
Джюрюйджюрюй бузулур деб
Салкыын этме кёлюнго.

КЕЧ!

Керексизге сёз кьозгъалыб
Арабызда чыкьды дауур.
Сени айтхан хар бир сёзюнг
Джюрегиме тийди ауур.

Хар тамырын сагъыш кючлеб
Мыдахланды джаш джюрегим.
Ёмюрюнде сеннге къараб
Сёлешмезге алды бегим.

Унутургъа мадар излеб
Кетдим туугъан элимден.
Сени джарыкь тюрсюнюнг а
Чырт кетмейди эсимден...

Сен кесинги терсге санаб
Келгенинде мени аллыма,
Джашлыкь да, кьууанч да, кюч да
Кьуюлдула санларыма.

Мычмайын ангыладым,
Кесими да терелигими.
Джюрегими кенгиге ачыб
Тилейме мен кечериңги.

ОЛ АДЖАЛНЫ ХОРЛАГЪАНДЫ

Эл школноу ал эшигин ачханлай,
Эсимдеди Ленинни атын джазгъаным.
Назмуну окъуб, деу Лениннге этилген,
Устазымдан иги белги алгъаным.

Олсагъатда окъуемам Ленинни
Аджашханнга джол кӛргюзген томларын.
Билмей эдим халкъгъа насыб орнатхан
Ол адамны терен ою болгъанын.

Ленинни хазнасындан бюртюк илеб
Ачдым энди кызыл тышлы китабларын:
Заман джетди... Ангыладым, мычгмай,
Дуниягъа джууукъ болгъан оюуларын.

Бюгюнлюкде къарайма мен, кӛреме
Ленинни уллу ишлерин джашауда.
Джутулалла СССР-ни джаулары
Халкъ бирикген татлы шохлукъ къарыуда..

Ленин сауду!
Ол аджалны хорлагъанды.
Биргебизге джашайд аны мураты.
Эркинликге къанат кergen халкъланы
Джюрегинде сакъланады нюр аты.

ГОКГА ХАНСЧЫКЪ

О джапчыгъым!
Гокга хансчыкъ,
Келдим сеннге
Болуб тансыкъ.

Тау джерлеге
Хурмет салыб,
Чыкыгъан эдинг
Кюниге ышарыб.

Сен насыбылы
Болалмадың.
Къына чагъыб
Къалалмадың.

Геджебсиниб
Бир джел турду
Хатер этмей
Сени урду...

Джашаргъа деб
Мурат этдинг,
Кёб заманны
Азаб чекдинг.

Джелде болмад
Чырта арыу,
Сенде къалмад
Бир да къарыу.

Назик белчигинг
Бюрюлдю,
Къызыд нюрчюгюнг
Тегюлдю,

Сызгъырыб урду,
Джюрексине,
Учуб кетдинг
Биргесине.

Элемедим, къайры кетдинг,
Джюрегими салкъын этдинг.
Булбуд къалды
Кёкде ахсына,
Ол хансчыкъпы
Джазыкъсына...

.....

ЛЕРМОНТОВНУ СЫН ТАШЫНДА

Сынташынга ёлмез атынг джазылыб,
Харифлери алтын кибик джылтырай,
Тёгерегинг гокга хане бла джасалыб,
Турадыла дарий кибик къалтырай.

Сынташынга сейир ариулукъ бериб
Ёседиле къатынгда наз терекле,
Кюнню кызыгу тийген чагъын эскериб
Боладыла сеннге салкъын кёлекге.

Кавказ чекли сен айланган джерлени
Бек тансыкълаб кёб адамла келелле,
Ёлмезлигин сени кибик эрлени
Джер джюзюнде урунганла билелле!

ЗАР АДАМҒА

Сед сүймейсе чырт кишини:
Тил, ётюрюк билгенинг,
Хар тамырын зарлыкъ кючлеб
Кир иннетлид джюрегинг.
Адамлагъа джарарча,
Халинг джожьду юсюнгде,
Къарачубар джыланча,
Уу сакълайса ичингде.

НАСЫБЛЫ БОЛ!

Тубан басыб джыламукъ ойнай кёзюмде
Тутама мен сен ариуну эсимде.
Кёз джарыгъым болгъан эди сыфатынг,
Орналгъанед джюрегимде нюр атынг.
Алай а мен бу иште бек джангылдым,
Джашлыкъ этиб суймектикни джашырдым.
Ол кюнледе сеннге айтыргъа сёз табмай
Къарай эдим тюрсюнюнге кёз къакъмай...
Билим излей узакъ джары сен кетдинг,
Тансыкъ болуб туугъан джерге мен джетдим.
Ич сёзлерим чыгъалмайын тышына,
Джюрек къалды таралгъанлай бошуна.
Андан бери тизгинлешиб джылла ётдоле.
Ким биледи, бюгюнлюкде, къызчыкъ, сен
Табдынг болур кесинг кирик алхы тент.
Энди сеннге джырды джангыз этерим,
Насыблы бол! — сеннге мени тилегим.

САКЪЛАЙМА

Кел,
Ай ёрлеб джетгенди
Аллыбызда таулагъа.
Сют джарыгъын тѣкгенди,
Экибизге саугъагъа.

Кел,
Къарайма олтуруб
Кѣк кырдыгда аллынга.
Имбашынгы толтуруб,
Къара чачынг салына,



ДЖЫРЧЫ

Кечегиде солуу алыб,
Туугъан элим шош джукълайд.
Не керекди ол адамгъа,
Суу ызында не сакълайд?

Нек джюрюйдю ёрге-энишге,
Тас этгенмид ол джугъун?
Нек бузады сагъышы бла
Джазгъы кечни шошлугъун?

Ай жарыкыгъа бёлениб
Джазады бир затланы.
Кеси аллына сёлешиб
Джыртады къагъытланы.

Бир къарайды—эслейди
Джулдузчукъну джаннганын.
Бир тынгылайд эшитеди,
Булбулчукъну джырларын.

Бир жезлерин джумады
Тынгылай суу тауушха.
Бир узакыгъа къарайды
Сингиб терек сагъышха.

КЪРАЧАЙ ШАХАРГЪА

Теберди бла Къобан сууну
Тюз къатында, бойнунда,
Анам кибик эркетитиб
Ёсдюргенсе къойнунда.

Сен болгъанса жарыкъ кюнюм,
Насыбым эм къууанчым.
Джууукъ-тенгча багъалыды
Топурагъынг, агъачынг.

Кюзгю жибик орамларынг
Гокка хансдан джасалыб,
Хар заманда турад атынг
Джюрегиме джазылыб.

Эртден сайын тансыкъ болуб
Къарайма тик таулагъа,
Салкъын джелчик бетге уруб
Къанат беред санлагъа.

Сенсиз мениге джокъду джашау —
Биргенгеди джазыуум,
Джылдан жылгъа къанат кериб
Джашна, туугъан шахарым!

.....

.....

.....

.....

.....

Джазгы кече татлы джукълаб, кёзюмю ачсам,
 Джарыкъ тангны аллын саълаб эшикге чыкъсам,
 Исси кюнде кызыу ишлеб солургъа чёксем,
 Ингир ала арыб ишден мен юйге келсем, —
 Китабладан билим излеб кьолума алсам,
 Къарт анамдан ий деб тилеб киногъа барсам,
 Бош заманда джюрек талпыб, сагъышха кетсем,
 Санларымы джукъу алыб орунга кирсем;
 Къысхасы, хар бир кюн сайын, хар заманда
 Эсимдесе сен, къайда айлансам да,
 Джюрюсем да - биргемесе сен.
 Сагъышлы кюн джюрегими жарытаса сен.
 Кенг ачдырыб кёкюрегими солутаса сен.
 Къыш кюнледе санларымы джылытаса сен.
 Джашауумда аджашмазгъа джол устаса сен.
 Кюн батса да, танг атса да, эсимдесе сен.
 Къайда айлансам джюрюсем да, биргемдесе сен.

КЮЗГЮ ДЖАУУМ

Кюн кыздырыб бек иссиед
Джерни кьоярча кьуууруб,
Энди басханд кьара тубан
Джел да урад суууруб.

Кече чакьгьан отлукь ташча,
Кёк кюкюреб джашнады.
Джер кьаралыб, кюн бокъланыб,
Джангур кьуюб башлады.

Кьулакь сангсыр таууш эте,
Кёкде шыбыла ойнайды.
Тау суучукь да бокъланыб
Кёмюк уруб кьайнайды.

Гёджебсиниб бузлу джангур
Джерни агьартыб кьутурад.
Кёб джашамай джазгьы бузла
Кьара джерге джутулад.

Мычымайын къара бұлут
Тегерекге чачылады,
Тубан къораб, джарыкъ болуб,
Кюн да бираз ачылады.

Нюрюн чачыб кюн джерге
Джылтыраб чыгыб келеди,
Джанкылыч джаныб кёк-кызыл
Джюрекге кыуанч береди.

Чыгыб эшик аллына,
Тогъуйма тау хауаны.
Мындан къараб, узалыб
Ыйнаклайма тауланы.

.....

* * *

...Тил этгенсе,
Мен кетгенлей ызымдан,
Халкъ ичине
Джайгъанса сен ууунгу —
Джалгъан сёзю
Къаушатыргъа базынган
Узатама
Узакъ джерден къолуму,
Сёзюнгю бер,
Мындан ары, тилейме,
Айгырынгы
Мен бар джерде айтыргъа.
Къаршчы эсенг,
Къаламымы билейме
Тохдамагъан
Ол тилинге чанчаргъа

...Кимди экен, чырмау болгъан, айт, бизге,
Нек кыошулмайд экибизни джолубуз?
Терк бол, джаным, ишибизни бур тюзге,
Тюлме, ийнан, сен айтханча болумсуз.

Ёмюрлени тебмей тургъан таулары
Тебдирейим, излей эсенг, суй мени.
Кюн иссиден кебмей тургъан суулары
Кебдирейим, излей эсент, суй мени,

Суй сен мени, джазгы ингирде кыанатлы,
Суйген кибик кек хауада кыалкыргыа.
Суй сен мени, тау суучукъну саркымы
Суйген кибик баш энишге саркыаргыа.

Суй сен мени, гокга ханчыкъ таулада
Суйген кибик чыкъ тюшюучю эртденни.
Керек тюлдю мындан сора бир зат да
Суй сен мени, мен суйгенча, суй мени!

ТАМЫЗЫКЪ БЕРМЕМ

Уллу къара кёзлеринги
Толтуруб суудан,
Нек къарайса баш энишге,
Келесе къайдан:

Неле кёрдюнг сен джолунгда
Айтчы бир хапар.
Джюрегинги джаныганына,
Табдынгмы мадар?

Джашауунгда джангылгъанса
Белгилиди ол.
Ала барыб аджашдырыб,
Къоюб кетди джол.

Энтда сени кёргенлейиме.
Эрийди джюрек,
Тилейме мен джашауунга
Кёб иги тилек.

Къолдан келген болушлукъну
Аямам сенден.
Джюрегими отундан а,
Тамызыкъ бермем

* * *

Бош айтасыз, ыйнанмайма мен сизге,
Сюймекликден адам улу кюед деб
Бош айтасыз, ыйнанмайма бош сёзге,
Сюймекликден джара табад джюрек деб,

Сюймекликден кюйюу деген бар эсе,
Эртде огъуна айланлыкъ эк биз кюлге,
Сюймекликден ауруу табыу тюз эсе,
Тёзелмейин төшеллигек төшекге.

Сюймеклик—адам аджашхан кюнде
Джол уста болуб кёргюзтгенд джолун.
Сюймеклик — адам кёрушхан кюнде
От болуб джаныб узатханд кёолун.

Сюймеклик суусабдан кюйген адамгъа
Къара суу болуб къандыргъанд суусабын,
Сюймеклик — аны ахыр кюнюнде
Джан дарман болуб джюрютгенд къанын!

Сюймеклик — эсден тайгъан адамгъа
Кюч-къарыу бериб джыйдыргъанд эсин,
Сюймеклик — бютеу джерни юсюнде
Иги джаны бла танытханд кесин!

Ол себебли ыйнанмайма чыртдан да
Сюймекликден кюйдюм-бишдим дегеннге.

ТЁЛЕРМЕ МЕН БОРЧУМУ

Кёрмегенме патчахлыкты зорлугтун,
Санларымы темир зугъоу кесмегенди.
Билмейме мен афендини окъуун,
Уу чыбыгы джаш этиме тиймегенди.

Байла-бийле хамут салыб бойнума
Джекмегенле, танымайма аланы.
Къууанама, махданама халкъым бла
Мен Советни эркин ёсген уланы.

Этмегенди киши меннге артыкълыкъ,
Ач гыбыла эммегенле къанымы.
Од заманга этелмейме шагъатлыкъ,
Бююнлюкге бёлеме мен ангымы.

Мен туугъунчу, дуняны джарытыб,
Уллу октябрь чыракъ болуб джанганды.
Къартны, джашны джюреклерин джылытыб,
Джерибизге джангы тюрсюн салганды.

Әс билгенли джаш джюрегим кыйналмай,
Есгенме мен партияны кюлунда
Әм келеме эркин джюрюб, абынмай
Деу Ленинни мермер ташлы джолунда.

Аны ючюн борчлума мен калкыума,
Джан аямай кюреширме, ишлерме,
Тынчлыкъ излеб келмегенме джаныма,
Кыйынлыкъда кюркымазма мен, кючулюме.

Керек болса, Ата джуртум, сени ючюн
Санларымда от джанса да, тезерме
Башха мадар табылмаса, борчуму
Джюрегими кыаны бла телерме!

* * *

...Джашауумда болгъан затны джашырсам,
Ушатама тубан басханнга кёкню.
Сюеме мен сүймекликни хакъындан
Джазаргъа эм ачыкъларгъа джюрекни.

Кюз айланы аяз ургъан эртденинде
Ол кызчыкъны алгъы бурун кёргенимде,
Ашыкъсам да, къаты бла озалмай,
Тохтадым да къараб къалдым, кёз алмай.

Эшитди болур джюрегими ургъанын,
Кёзчюклерин мени таба джиберди,
Билмегенлей, джилтин тюшюб санларым,
Кеси аллына кюйюб, бишиб тебреди.

Къызгъан джюрек тынчыкъ бермей джаныма,
Хапар сордум, джууукълашыб къатына.
Айны алгъа юдегили болгъанын,
Билдирди ол ышарылыб, тартына.

Мангылайым чирчик-чирчик тер атыб,
Баш энишге къарадым мен, къызардым.
Алайсыз да ачыгъаным кёб эди,
Бу къайгъыны къайдан алдым, нек салдым?!

Ал кёргенлей, худжу кёкрек, нек джандынг?!
Джюрегиме ачы сагъыш нек салдынг?
Керек джерде суймекликни джашырыб
Кюймеученмент кёб заманны джангылыб.

Къайдан алдынг, айтчы, бюгюн къарыуну,
Уятны да, хаятны да нек атдынг?
Кёк бетинде джулдузчукъгъа учунуб
Халкъ ичинде нек къыйнадынг, нек джабдынг?

ТЫНГЫСЫЗМА

Туугъан элим шош джукълайды,
Джарыкъды кече.
Ай да, кёк да сылджырайды,
Кюмюш суу бюрке.

Баш къагдады кызыл къая
Сюелиб джангыз.
Тау къушу да къанат джая,
Къалкъады сансыз.

Къарны ючюн къан тегюудю
Мураты аны.
Ол себебли джукъламайды
Кечни узагъы.

Ма ол къушча джукъусузма
Мен да хар къуру.
Алай, мени джюрегими
Башхад къуллугъу.

Кече кюн да санларымда
Чагдады сагъыш,
Джюрегими къылларындан
Чыгдады таууш.

Ол тауушну сыгъыб алыб
Джюрегимден,
Узатама тенглериме
Таза кёлден.

Ма аны ючюн кече кюн да
Сагъышлыма мен.
Къайда айлансам джюрюсем да
Тынгысызма мен.

САУ КЪАЛ, КЪОБАН

Сау къал, Къобан, Кавказымы бал сууу,
Кетеме мен айырылыб узакъгъа.
Сени эрнингде сууукъ ташха олтуруб
Кёб къызгъанма тенгле бла ушакъгъа.

Кёб къалгъанма кём-кёк ханслы джагъангда,
Юсюме атыб зыбыр туюкю джамчымы.
Къая ташха кесинги уруб шоркъулдаб
Кёб чачханса сакъ бетиме тамчынгы.

Имбашымы кюннге тутуб къыздырыб
Кёб джатханма къумгъа басыб бауурну.
Толкъунлагъа къарагъанма, кёз алмай,
Истемейин къаты къуйгъан джангурну.

Кече узуну джукъламайын сагъышлы
Этегингде айланганма, ах, кесим.
Кеси аллыма сёлешгенме, телича,
Назмулагъа кетиб мени шош эсим.

Сынагъанма сени кѣм-кѣк джагъангда
Таулу къызыны сѳймеклигин биринчи.
Ал сѳймеклик джашарыкъды биргеме,
Джашарыкъса сен да бирге ѳлгюнчю.

Сау къал, энди менден салам айтырса
Къарачайны ѳхдем субай къызына,
Къайда айлансам, джюрюсем да хар къуру
Тынгысызлай турлукъма мен ызыма.

.....

ХАЛКЪЫНДАДЫ ДЖЮРЕГИ

Бир таулу джаш айланады къайгъылы
Москваны кыйыр сюрем паркында,
Джашауунда сёздю аны байлыгъы,
Джаш джюреги узакъдагъы халкъында.

Ол кёзюне кёргюзтеди олтуруб
Ушакъ эте тургъанларын къартланы,
Эскереди мындан алда мал кютген
Кёк кырдыклы джайлыкъланы, сыртланы.

Ол кёреди, ышарылыб, орамда
Таулу кызыны суугъа кетиб баргъанын.
Ол эштеди узакъ джерден кёуру да
Къобан сууну таууш этиб ургъанын.

Ол эштеди эртден-ингир согъулгъан
Тартыуланы, джюрек суйген джырланы.
Эскереди колхоз тюзде урунган
Мангылайын акъ тер джуугъан джылланы.

Ол кёреди мындан къараб сагъышлы
Отджагъада гырджын этген анасын,
Сау этерге излейди ол джыр бла
Къыйналгъанны джюрегинде джарасын.

Бир таулу джаш айланады къайгъылы
Москваны къыйыр сюрем паркында.
Джашауунда сёздю аны байлыгъы,
Джаш джюреги узакъдагъы халкында.

* * *

...Джюрегимден сыгыб-сыгыб
Чыгъарама сѣзлени,
«Ким джазгъанды, къайдады?» — деб
Излемегиз сиз мени.

Джашауунгда кѣб джангылыб
Сынган эсе джюрегинг,
Болушургъа болур сеннге
Ал да окъу, джаш тенгим.

Сюймекликден мукъут болуб
Кюйген эсе джюрегинг,
Сен джазгъанса, къарама да
Ал да окъу, джаш тенгим.

Ата джуртну джанынг кибик
Сюе эсе джюрегинг,
Сен джазгъанса, къарама да,
Ал да окъу, джаш тенгим.

Урунууда атынг чыгыб
Берчи эсе кьолларынг,
Ал да окъу, сеникилле
Мени джазгъан джырларым.

Назмула бла излемейме
Мен кесиме чырт махдау,
Окъуй келиб джаратмасанг,
Боллукъ тюлдю менде дау.

Не ючюн десенг, ол затланы
Сынамагъанд джюрегинг.
Ким биледи, ёсе келсенг,
Энтда окъурса, джаш тенгим.



СЮЙМЕЙ НЕ ЭТГИН

Джокъдан сени бюртюк этиб джаратыб,
Кёзлеринги дунягъа къаратхан,
Кече узуну бешигинге къабланыб,
Джаш этинги отдан-суудан сакълагъан;

«Сенден алгъа чыкъсын мени джаным», — деб,
Эркелетиб бауурунда ёсдюрген,
Заманында джылы хантны хазырлаб,
Табханыча таза кийим кийдирген;

Сен къууансанг, ана кёлден къууаныб,
Ышарылыб дунягъа къаш керген,
Сен къыйналасанг, ол да бирге къыйналыб
Джюрек джылыр сёзле айтыб кёл берген;

Тюшю-тюню, эсиндеги сен болуб,
Кече кюн да сеннге саулукъ излеген;
«Хар атламынг мамукъ тёшек болсун», — деб
Джашауунга тынчлыкъ, насыб излеген;

Хар адамгъа ана кёлден болушуб,
Акылынга кёб затланы билдирген,
Тюз иннетли халкъла бла бирлешиб
Джер* джюзюнде тынчлыкъ ючюн суюлген—
Сюймей не этгин, айтчы, туугъан анангы?!



Джашау!
Мени элтиб уруб хар джерге
Санларымы
Къара ырхым этсенг да,
Джыл төшекде
Эрий-чирий тёнгегим,
Солугъанда
Къан хуртдакла төксем да
Тирилликме!
Туугъан халкъым, ийнан сен,
Джангыз къараб
Сени мыдах көргенлей.
Сауут-саба
Джарашдырыб халкъ бла тенг,
Сюелликме
Саула бла биргелей.



* * *

Мен суюме аллай назму джазаргъа,
Тылпыуу бла эритирча бузланы.

Мен талпыйма, тенгим, аллай назмугъа,
Джашар кибик минг-миллион джылланы.

Мен суюме
Аллай назму этерге,
Кёгертирча ёмюрлюк къум тюзлени.

Мен кюсейме
Аллай назмуну, хар эштген
Унутурча тюз иннетден ёзгени.

Мен излейме
Аллай назму джазаргъа
Кюйдюрюрча кир иннетли инсанны.

Мен талпыйма
Аллай назму джазаргъа
Хорламлагъа элтир кибик хар джанны.

Мен суюме
Аллай назму джазаргъа
Хар адамны джюрегинде чагъарча.

Мен талпыйма,
Тенгим, аллай назмугъа,
Дарман болуб ауругъанны багъарча.
Сюе эсем,
Аллай назму джазаргъа
Бар кючюю назмулагъа бурлукъма,
Бу башында
Сагъынылгъан затлагъа
Хар заманда эс бёлгенлей урлукъма!

* * *

...Джерден кыраб
Чалбаш тауланы эслесем,
Джюрек талпыйды
Мийикге ёрлерге.
Арыб-терлеб
Тау башына ёрлесем,
Джюрек сюеди
Кенг талагъа тюшерге.
Исси кюнде ишлей-ишлей,
терлесем,
Сюеме мен
Ашхамны терк келирин.
Кече узуну
Джукълай-джукълай эриксем.
Излейме мен
Тангны жарыкъ кёзлерин.
Къыш чилледе
Сууукъ сингсе этиме,
Сюеме мен
Джашил джазны келирин.

Джаз кюнледе
Исси къакъса бетиме,
Излейме мен
Къышны сууукъ кюнлерин.
Адамлада
Тюрлю-тюрлю умутла
Болмасала,
Тюрленмесе табигъат,
Емюр чархы
Бурулмаз эд чырт алгъа,
Тургъаныча
Къаллыкъ эди хар бир зат.

* * *

...Джюрегими чечме окъча дукгуллаб
Умутларым чыгъадыла тышына.
Мычымайын чаба-джорта боранлаб
Кетедиле, кёк хауагъа клатыша.

Сабийлерин узакъ джолгъа ашыргъан
Ана кибик, къалама мен тынгысыз.
Сен джашагъан юйге джетиб, джашыртын
Эшигинги къагъадыла тынымсыз.

Ол тауушну эшитиб хоншу къызчыгъын
Актыртынчыкъ ахсынады сукъланыб.
Сен а сансыз олтураса орнунгда,
Джюрегингде шыикларт одну джукълатыб.

Джукълат-джукълат, мен аны ючюн джукъланмам.
Сен да алырса башха адамдан тамызыкъ.
Ал суймеклик ышыкъ табмай кесине,
Арабызда болуб къалад ма джазыкъ.

СЮЙМЕКЛИКГЕ

Биреулеге сен боласа,
Керти суймеклик,
Биреулеге от чачаса,
Джандырыр кибик.

Биреулеге боласа сен
Емюрлюк кьонакъ.
Бирлеулеге бет кьргюзюб,
Къачаса узакъ.

Биреулени тау башына
Миңдиресе сен,
Биреулени джер тьубюне,
Кийиресе сен.

Биреулеге саркъылмазча,
Къошаса къарыу.
Биреулеге джазылмазча,
Бересе ауруу.

Биреулени кьууандырыб,
Джырлатаса сен.
Биреулени унукьдуруб
Джыллатаса сен.

Меннге уа сен экисин да
Бергенсе бирге,
Ким биледи алай бла
Кирирге кёрге.

Буду сеннге осиятым:
Халкьны кьыйнама,
Адамлагъа башха-башха
Энчи кьарама.

БАШЛАРЫ

Окьюучума	3
Ленин	4
Акъ кьагъыт	5
Салкыи этме келюнго	7
Кеч!	9
Ол аджалны хорлагъанды	11
Гокга хансчыкъ	13
Лермонтовну сын ташында	15
Зар адамгъа	16
Насыблы бол!	17
Сакълайма	18
Джырчы	19
Къарачай шахаргъа	21
Сен	23
Кюзю джауум	24
Тил этгенсе	26
Кимди экен чырмау болгъан, айт, бизге	27
Тамызыкъ бермем	28
Бош айтасыз, ийпанмайма мен сизге	30
Телерме мен борчуму	32

Джашауумда болгъан затны джашырмай	34
Тынгысызма	36
Сау къал, Къобан!	38
Халкъындады джюреги	40
Джюрегимден сыгъыб-сыгъыб	42
Сюймей не этпин?	44
Джашау!	46
Мен сюеме аллай назму джазаргъа	47
Джерден къараб	49
Джюрегими чечме юкъла дукгуллаб	51
Сеймекликге	52

Кубанов Ахмат Ибрагимович

ОТ СЕРДЦА К СЕРДЦУ

Стихи

На карачаевском языке

Редактор *Кагиева Н. М.*

Художник *Марков Ф. И.*

Художественный редактор *Кубанов Д. Х.*

Технический редактор *Агирбова З. Т.*

Корректор *Ижаева Р. А.*

Сдано в набор 3-ХII-1964 г.

Подписано в печать 7-VI-1965 г.

Формат 60x92 ¹/₃₂. Печ. л. 1, 75.

Уч.-изд. л. 1,1. Тираж 600 экз.

Заказ № 5559. ВУ 21637. Цена 5 коп.

Ставропольское книжное издательство, 1965.

Черкесская типография,

г. Черкесск, ул. Комсомольская, 31.

68204

Книжка 5 книг

Стамбополь книжка издательство
Черкесск—1965